

ერთის მხრივ, შპს „გარდაბნის თბოსადგური 2“ (შემდგომში - „შემსყიდველი“), წარმოდგენილი მისი გენერალური დირექტორის მერაბ კიპაროიძის სახით, და

მეორეს მხრივ, შპს „სენა მოტორსი“ (შემდგომში - „მიმწოდებელი“), წარმოდგენილი მისი დირექტორის გია ალიხანაშვილის სახით,

„სახელმწიფო შესყიდვების შესახებ“ საქართველოს კანონის მე-10¹ მუხლის მესამე პუნქტის „თ“ ქვეპუნქტისა და საქართველოს მთავრობის 2011 წლის 21 იანვრის №26 დადგენილების საფუძველზე, ვდებთ ხელშეკრულებას შემდეგზე:

1. ხელშეკრულების საგანი

1.1. წინამდებარე ხელშეკრულების საგანია, შემსყიდველის ბალანსზე არსებული მცირე ტვირთამწეობის დამტვირთველის (სახელმწიფო ნომერი VV967V) მიმდინარე ტექნიკური მომსახურების ან/და ასეთი მომსახურებისათვის საჭირო სათადარიგო ნაწილების ან/და საცხებ-საპოხი მასალების სახელმწიფო შესყიდვა (შემდგომში - „მომსახურება“) CPV 50112200 ხელშეკრულების პირობების შესაბამისად.

1.2. მომსახურება განხორციელდება დანართი №1-1-ით გათვალისწინებული მომსახურებისა და სათადარიგო ნაწილების ერთეულის ფასების შესაბამისად. აღნიშნული დანართი თან ერთვის ხელშეკრულებას და წარმოადგენს მის განუყოფელ ნაწილს.

2. მომსახურების გაწევის წესი

2.1. მომსახურება უნდა განხორციელდეს ხელშეკრულების გაფორმებიდან 2023 წლის 27 ნოემბრის ჩათვლით, ეტაპობრივად, მხარეთა მიერ ყოველი კონკრეტული შემთხვევისათვის შედგენილი და შეთანხმებული შესაბამისი დეფექტური აქტის ან შეკვეთის საფუძველზე, რომელშიც აღინიშნება გამოსაცვლელი სათადარიგო ნაწილების, საცხებ-საპოხი მასალებისა და შესასრულებელი სამუშაოს შემადგენლობა, მოცულობა და შესრულების ვადები.

2.2. მომსახურების გაწევის ადგილია მიმწოდებლის სერვისცენტრი მდებარე მისამართზე: ქ.თბილისი, დ.აღმაშენებლის ხეივანი მე-12კმ; მიმწოდებელი უფლებამოსილია, დაზიანების ხასიათიდან გამომდინარე მოითხოვოს ავტომობილის კონკრეტულად თბილისის სერვის-ცენტრში მიყვანა;

2.3. გაწეულ მომსახურებაზე, ყოველ კონკრეტულ შემთხვევაში, მხარეები ადგენენ მიღება-ჩაბარების აქტს, რომელშიც მითითებული უნდა იყოს ამ მომსახურების დეტალური აღწერა, გასაწევი მომსახურების, გამოყენებული სათადარიგო ნაწილებისა და საცხებ-საპოხი მასალების რაოდენობა და/ან მოცულობა, ფასი და საერთო ღირებულება, რომელიც განისაზღვრება წინამდებარე ხელშეკრულებით გათვალისწინებული პირობებით (ან ერთვოდეს დეფექტური აქტი). მიღება-ჩაბარების აქტს თან უნდა დაერთოს მიმწოდებლის მიერ გამოწერილი საგადასახადო ანგარიშ-ფაქტურა.

2.4. შემსყიდველი უფლებამოსილია უარი განაცხადოს მხარეთა შორის გაფორმებული დეფექტური აქტით განსაზღვრული მომსახურების 5 სამუშაო დღეზე მეტი დაგვიანებით მიღებაზე.

3. მხარეთა უფლება-მოვალეობები

3.1. მიმწოდებელი იღებს ვალდებულებას:

3.1.1. გაუწიოს შემსყიდველს ხარისხიანი და დროული მომსახურება ეტაპობრივად, შემსყიდველის მოთხოვნის შესაბამისად და საგარანტიო პირობების დაცვით;

3.1.2. შემსყიდველის მიმართვიდან არაუგვიანეს 2 სამუშაო დღის ვადაში ჩაატაროს ავტომანქანის დათვალიერება და 2 სამუშაო დღის ვადაში წარუდგინოს შემსყიდველს დეფექტური აქტი ხელმოსაწერად, გარდა ავარიის ან სხვა მიზეზით გამოწვეული სატრანსპორტო საშუალების მნიშვნელოვანი დაზიანების შემთხვევებისა, როდესაც დეფექტაციის გონივრულ ვადას მხარეები განსაზღვრავენ ურთიერთშეთანხმებით;

3.1.3. უზრუნველყოს დეფექტურ აქტში მითითებული სამუშაოების შესრულება ხელშეკრულებასა, ხელშეკრულების დანართ #1-1-სა და დეფექტურ აქტში გათვალისწინებული პირობების შესაბამისად, დეფექტური აქტის გაფორმებიდან არაუგვიანეს ორი სამუშაო დღის ვადაში. ხოლო იმ შემთხვევაში, თუ აღნიშნულ ვადაში შესაბამისი სათადარიგო ნაწილის არ ქონის, ან ტექნიკური სირთულის გამო ვერ ხერხდება მომსახურების დასრულება, მომსახურება დასრულებული უნდა იქნას მხარეთა მიერ შეთანხმებულ, გონივრულ ვადაში.

3.2. შემსყიდველი იღებს ვალდებულებას:

3.2.1. გადაუხადოს მიმწოდებელს გაწეული მომსახურების საფასური, შესაბამისი მიღება-ჩაბარების აქტის და საგადასახადო ანგარიშ-ფაქტურის საფუძველზე.

4. ხელშეკრულების ღირებულება და ანგარიშსწორება

- 4.1. ხელშეკრულების სავარაუდო მაქსიმალური ჯამური ღირებულება შეადგენს **4 380** ლარს დღგ-ს ჩათვლით.
- 4.2. ხელშეკრულების ღირებულება განისაზღვრება ფაქტიურად შესრულებული მომსახურების მიხედვით, მხარეთა შორის შეთანხმებული პრეისკურანტის საფუძველზე, რომელიც დანართი №1-1-ის სახით თან ერთვის წინამდებარე ხელშეკრულებას და წარმოადგენს მის განუყოფელ ნაწილს. დანართი №1-1-ში მითითებული ფასები შეიცავს მიმწოდებლის ყველა ხარჯს, დაკავშირებულს მომსახურების შემსყიდველისათვის მიწოდებასთან, მათ შორის, კანონმდებლობით გათვალისწინებულ ყველა გადასახადს, მოსაკრებელსა და სახდელს, დღგ-ს ჩათვლით.
- 4.3. თუ გასაწევი მომსახურების ან რომელიმე სათადარიგო ნაწილის ფასი (მისი შესყიდვის აუცილებლობისას) არ არის გათვალისწინებული დანართი №1-1, მაშინ მხარეები, მომსახურების დაწყებამდე, ურთიერთშეთანხმებულ ადნიშნული მომსახურების ფასს მიმწოდებლის სერვისში იმ დროისათვის არსებული ფასების ან/და სათადარიგო ნაწილის ფასს შესაბამისი დეტალის მწარმოებელი კომპანიის ბაზარზე არსებული საბაზრო ფასის გათვალისწინებით. ასეთ შემთხვევაში პრეისკურანტში ავტომატურად განისაზღვრული ფასების ან/და სათადარიგო ნაწილის რომელიმე ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს პრეისკურანტის ჯამური ღირებულების 10%-ს.
- 4.4. მომსახურების დასრულებისთანავე მიმწოდებელსა და შემსყიდველს შორის ფორმდება მიღება-ჩაბარების აქტი, რომელსაც ხელს აწერენ მხარეები ან მხარეთა მიერ წარმოდგენილი უფლებამოსილი პირები.
- 4.5. ანგარიშსწორების განსახორციელებლად საჭირო დოკუმენტებია:
- ა) საგადასახადო ანგარიშ-ფაქტურა;
 - ბ) მიღება-ჩაბარების აქტი (ორმხრივად ხელმოწერილი).
- 4.6. ანგარიშსწორება მიმწოდებელთან წარმოებს ლარში, უნაღდო ანგარიშსწორების ფორმით, ფაქტიურად გაწეული მომსახურების შესაბამისად, ხელშეკრულების 4.5. პუნქტით განსაზღვრული დოკუმენტების წარმოდგენიდან არაუგვიანეს **5** სამუშაო დღის ვადაში.
- 4.7. შემსყიდველის მიერ მოთხოვნის წარუდგენლობის შემთხვევაში, მომსახურების გაწევის და მისი მიღების, ასევე ანგარიშსწორების უფლება-მოვალეობები არ წარმოიქმნება.

5. ხარისხი და გარანტია

- 5.1. მიმწოდებელი იღებს ვალდებულებას, რომ გაწეული მომსახურების ხარისხი უკმაყოფილებს ხელშეკრულებით გათვალისწინებულ პირობებს და დააკმაყოფილებს ამ სფეროში არსებულ სტანდარტებს და ტექნიკურ ნორმებს.
- 5.2. საგარანტიო პერიოდში მიწოდებულ სათადარიგო დეტალებზე ნორმალური ექსპლუატაციის შემთხვევაში, ვრცელდება გარანტია დეტალის მონტაჟიდან **6** თვის განმავლობაში. გარანტია არ გავრცელდება, სწრაფცვლად დეტალებზე, აგრეთვე იმ შემთხვევებზე თუ შეცვლილ ან/და შეკეთებულ სათადარიგო ნაწილს აღნიშნება გარეგანი ზემოქმედების კვალი ან/და თუ საგარანტიო ვადაში რაიმე დეტალი/მომსახურება შეძენილია მიმწოდებლის სერვისის გვერდის ავლით.
- 5.3. თუ საგარანტიო პერიოდში გამოვლინდება გაწეული ნაკლიანი მომსახურება ან/და სათადარიგო ნაწილის ქარხნული დეფექტ(ებ)ი, რომელიც გამორიცხავს ავტობუსების უსაფრთხო ექსპლუატაციას, მიმწოდებელი ვალდებულია, შემსყიდველის შეტყობინების მიღებიდან გონივრულ ვადაში, საკუთარი ხარჯით გამოასწოროს ნაკლი/დეფექტი (ამ ხელშეკრულების მე-3 და მე-5 მუხლებით განსაზღვრული პირობების გათვალისწინებით).
- 5.4. მე-5 მუხლში აღნიშნული გარანტია არ ვრცელდება შემსყიდველის მიერ ავტომანქანების შენახვის, მომსახურებისა და ექსპლუატაციის წესების დარღვევის, ასევე გარეგანი ზემოქმედების შედეგად (მექანიკური ზემოქმედება, არაკვალიფიციური მოპყრობა და სხვა) მიყენებულ ზიანზე.
- 5.5. მომსახურების გაწევის დროს, მიღება-ჩაბარების აქტის ხელმოწერამდე, ყველა რისკი ავტომანქანისადმი მიყენებულ ზიანზე ეკისრება მიმწოდებელს (გარდა ფორს-მაჟორული მიზეზებით გამოწვეული ზიანებისა).
- 5.6. მომსახურების გაწევის შემდეგ მიმწოდებელი ვალდებულია დაუყოვნებლივ გადასცეს შემსყიდველს ტექნიკურად გამართული ავტობუსი (იგულისხმება იმ ტექნიკური უწყესრიგობის აღმოფხვრა, რასაც ითვალისწინებდა მომართვიანობა).

6. მხარეთა პასუხისმგებლობა

- 6.1. მიმწოდებელი იძლევა გარანტიას, რომ მის მიერ გაწეული მომსახურება შეესაბამება ხელშეკრულების პირველ და მე-5 მუხლებში მითითებულ კრიტერიუმებს.
- 6.1.1. საგარანტიო პერიოდში ნაკლის/დეფექტის არსებობის შემთხვევაში, მიმწოდებელი თავისი ხარჯითა და პასუხისმგებლობით უზრუნველყოფს მის აღმოფხვრას შემსყიდველის მიერ ნაკლის გამოვლენის თაობაზე მისთვის (მიმწოდებლისათვის) გაგზავნილი წერილობითი შეტყობინების მიღებიდან **3.1.3** პუნქტით განსაზღვრულ ვადაში. იმ შემთხვევაში თუ მიმწოდებელი ვერ უზრუნველყოფს ნაკლის/დეფექტის/დაზიანების აღმოფხვრას ხელშეკრულებით განსაზღვრულ ვადაში, შემსყიდველს უფლება

აქვს დააკისროს მიმწოდებელს შეუსრულებელი ვალდებულების ღირებულების ოდენობის პირგასამტეხლოს გადახდა, რაც მიმწოდებელმა, შემსყიდველისაგან პირგასამტეხლოს დაკისრების თაობაზე წერილობითი შეტყობინების მიღების დღიდან, დაუყოვნებლივ, მაგრამ არაუგვიანეს სამი სამუშაო დღისა უნდა გადაიხადოს.

6.2. შემსყიდველი უფლებამოსილია, ხელშეკრულებაში მითითებული მომსახურების არაჯეროვნად შესრულების ან/და შეუსრულებლობის ან/და ვადების გადაცილების შემთხვევაში, დააკისროს მიმწოდებელს პირგასამტეხლო ყოველ გადაგადაცილებულ კალენდარულ დღეზე არაჯეროვნად შესრულებული/შეუსრულებელი ვალდებულების ღირებულების 0,1%-ის ოდენობით.

6.3. შემსყიდველის მიერ ანგარიშსწორების ვადის გადაცილების შემთხვევაში, მიმწოდებელი უფლებამოსილია, დააკისროს შემსყიდველს პირგასამტეხლო ყოველ გადაგადაცილებულ სამუშაო დღეზე, გადაუხდელი თანხის 0,1%-ის ოდენობით.

6.4. მხარის მიერ ხელშეკრულების პირობების სრული ან ნაწილობრივი დარღვევის და/ან შეუსრულებლობის შემთხვევაში მეორე მხარეს უფლება აქვს წერილობით მიუთითოს მას აღნიშნულ გარემოებაზე და მოსთხოვოს მისი გამოსწორება გონივრულ ვადაში (რაც ფორმდება შეტყობინების სახით), ხოლო შეტყობინებაში მითითებული ვადის უშედეგოდ გასვლის შემდეგ, მოითხოვოს ზიანის ანაზღაურება და ხელშეკრულებიდან გასვლა, ხელშეკრულების მე-11 მუხლის მე-2 პუნქტის შესაბამისად.

6.5. მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.

6.6. მიმწოდებლის მიერ ჯარიმისა და პირგასამტეხლოს გადახდა, გარდა საქართველოს სამოქალაქო კოდექსით გათვალისწინებული შემთხვევებისა, არ ათავისუფლებს მას წინამდებარე ხელშეკრულებით ნაკისრი ვალდებულებების ჯეროვნად შესრულების მოვალეობისაგან.

6.7. მხარეების მიერ ხელშეკრულების პირობების შეუსრულებლობა და/ან დარღვევა გამოიწვევს მათ პასუხისმგებლობას საქართველოს მოქმედი კანონმდებლობით დადგენილი წესით.

6.8. ხელშეკრულების შეწყვეტის/მომსახურების გაწევაზე უარის თქმის შემთხვევაში მხარეებს დაეკისრება პირგასამტეხლო ხელშეკრულების სავარაუდო საერთო ღირებულების 5%-ის ოდენობით, გარდა იმ შემთხვევებისა, როდესაც ხელშეკრულებას შეწყვეტს/მომსახურების გაწევაზე უარის თქმა მოხდება ხელშეკრულების მე-10 მუხლის მე-3 პუნქტში მითითებული გარემოებების საფუძველზე. 6.9. შემსყიდველი უფლებამოსილია ანგარიშსწორებისას მიმწოდებელს გამოუქვითოს პირგასამტეხლოს სახით მასზე დარიცხული თანხა.

7. ფორს-მაჟორი

7.1. მხარეები თავისუფლდებიან ვალდებულებების შესრულებისაგან ისეთი გადაუღალახავი ფორს-მაჟორული გარემოებების დადგომისას, როგორც არის ომი, ხანძარი, სტიქიური უბედურებები, სახელმწიფო ხელისუფლების გადატრიალება, სახელმწიფო ორგანოს მიერ გამოცემული აქტი და სხვა პირობები, რომლებიც აფერხებენ და შეუძლებელს ხდიან მხარეების მიერ ამ ხელშეკრულებით გათვალისწინებული უფლება-მოვალეობების განხორციელებას.

7.2. მხარეები ვალდებულნი არიან წერილობით აცნობონ ერთმანეთს ფორს-მაჟორული გარემოებების არსებობის შესახებ მათი დადგომიდან 24 საათის განმავლობაში.

7.3. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.

7.4. მხარეები ანახლებენ თავიანთი ვალდებულებების განხორციელებას ფორს-მაჟორული გარემოებების აღმოფხვრისთანავე.

8. ხელშეკრულების ინსპექტირების პირობები

8.1. შემსყიდველს ან მის მიერ წარმოდგენილ უფლებამოსილ პირს უფლება აქვს განახორციელოს გაწეული მომსახურების კონტროლი.

8.2. მიმწოდებლის მიერ სახელმწიფო შესყიდვის შესახებ ხელშეკრულების შესრულებაზე კონტროლს ახორციელებს შემსყიდველის მიერ შექმნილი ინსპექტირების ჯგუფი.

8.3. ინსპექტირების ჯგუფის ფუნქციებია:

8.3.1. მომსახურების მოცულობის, ხარისხისა და მიწოდების ვადების წინამდებარე ხელშეკრულების მოთხოვნებთან შესაბამისობის დადგენის მიზნით, სათანადო კონტროლისა და ზედამხედველობის განხორციელება და შემსყიდველის მიერ უფლებამოსილების მინიჭების შემთხვევაში მიღება-ჩაბარების აქტებზე ხელის მოწერა;

8.3.2. მიღება-ჩაბარების აქტის გაფორმებამდე შეამოწმოს, სრულად არის თუ არა გაწეული ხელშეკრულებით გათვალისწინებული მომსახურება და უარი თქვას დაგვიანებით ან არასრულად გაწეული მომსახურების მიღებაზე და შესაბამის ანაზღაურებაზე.

8.3.3. წინამდებარე ხელშეკრულებით გათვალისწინებული ანგარიშსწორების პროცესის რეგულირება;

8.3.4. საჭიროების შემთხვევაში წინამდებარე ხელშეკრულების შესრულების მიმდინარეობის ამსახველი პერიოდული დოკუმენტაციის წარმოება და შენახვა;

8.4. მიმწოდებელი ვალდებულია, საკუთარი რესურსით უზრუნველყოს ინსპექტირების ჯგუფი მხოლოდ მიმწოდებლის სერვისში შემოწმების ჩატარებისთვის აუცილებელი პერსონალით, ტექნიკური საშუალებებითა და სხვა სამუშაო პირობებით.

9. ხელშეკრულების პირობების გადასინჯვა

9.1. ხელშეკრულების პირობების გადასინჯვასთან დაკავშირებული ურთიერთობები რეგულირდება საქართველოს მოქმედი კანონმდებლობით.

9.2. მიმწოდებელთან დადებული ხელშეკრულების პირობების შეცვლა დაუშვებელია, თუ ამ ცვლილების შედეგად შემსყიდველისთვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10. ხელშეკრულების ძალაში შესვლა და მოქმედების ვადა

10.1. ხელშეკრულება ძალაშია მხარეების მიერ მისი ხელმოწერის დღიდან და მოქმედებს 2024 წლის 30 დეკემბრის ჩათვლით.

10.2. ხელშეკრულების შესაბამისი მუხლები ძალაში რჩება, მხარეთა მიერ ნაკისრი ვალდებულებების სრულ ამოწურვამდე.

10.3. ნებისმიერ მხარეს შეუძლია ცალმხრივად შეწყვიტოს წინამდებარე ხელშეკრულება მეორე მხარისათვის წერილობითი შეტყობინების საფუძველზე თუ:

ა) ხელშეკრულების ერთ-ერთი მხარე სისტემატიურად არღვევს წინამდებარე ხელშეკრულების პირობებს.

ბ) წინამდებარე ხელშეკრულების მე-9 მუხლით გათვალისწინებული შემთხვევების დადგომისას, არსებითად იცვლება ხელშეკრულების პირობები.

11. სხვა პირობები

11.1. მხარეთა შორის სადაო საკითხები წყდება მხარეთა მოლაპარაკების გზით. მხარეთა შორის შეთანხმების მიუღწევლობის შემთხვევაში, დავა წყდება საქართველოს კანონმდებლობით გათვალისწინებული წესით.

11.2. ხელშეკრულება შედგენილია ქართულ ენაზე, თანაბარი იურიდიული ძალის მქონე 2 (ორ) ეგზემპლარად.

11.3. წინამდებარე ხელშეკრულების ნებისმიერი მუხლის, პუნქტის ან/და დებულების ბათილად ან/და ძალდაკარგულად ცნობა არ ახდენს გავლენას მთლიანად ხელშეკრულების ან მისი დანარჩენი მუხლების, პუნქტების ან/და დებულებების ნამდვილობაზე;

11.4. ხელშეკრულებაში დამატებების/დანართების/ცვლილებების შეტანა შესაძლებელია მხოლოდ წერილობითი ფორმით მხარეთა უფლებამოსილი წარმომადგენლების ხელმოწერით და წარმოადგენს ამ ხელშეკრულების განუყოფელ ნაწილს.

12. მხარეთა რეკვიზიტები და იურიდიული მისამართები:

<p>„შემსყიდველი“ შპს „გარდაბნის თბოსადგური 2“ მის: ქ. გარდაბანი, დ. აღმაშენებლის 28 ს/კ: 426529759 სს „ტერა ბანკი“ ბ/კ: TEBAGE22 ა/ა GE43 KS 0000000340300002</p> <p>გენერალური დირექტორი</p> <p>მ. კიპაროძე</p>	<p>„მიმწოდებელი“ შპს „სენა მოტორსი“ მის: აღმაშენებლის ხეივანი მე-12-ე კმ ს/კ: 205222926 სს „თიბისი ბანკი“ ბ/კ: TBCBGE22 ა/ა GE55TB1910336020100002</p> <p>დირექტორი</p> <p>გ. ალიხანაშვილი</p>
--	--

ხელწერილი ინტერესთა კონფლიქტის არ არსებობის შესახებ

ქ. თბილისი

21.01.2021 წ.

ჩვენ, ქვემოთ ხელის მომწერნი ვადასტურებთ, რომ შპს „სენა მოტორსი“-სთან (ს/კ: 205222926) შესყიდვის განხორციელებისას ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს და ინტერესთა კონფლიქტში არ ვიმყოფებით.

გენერალური დირექტორი

მ. კიპაროძე

შესყიდვების სამსახურის უფროსი

თ. მიმინოშვილი

დანართი №1-1 - თანმდევი საგარანტიო მომსახურების ცხრილი

დასახელება	საქონლის ერთეულის ფასი (დღგ-ს ჩათვლით)	მომსახურების ერთეულის ფასი (დღგ-ს ჩათვლით)	50 ს/ს	200 ს/ს	600 ს/ს	1200 ს/ს	1800 ს/ს	2400 ს/ს
ძრავის ზეთი	15 ლ	15 ლ	195 ლ	195 ლ	195 ლ	195 ლ	195 ლ	195 ლ
ძრავის ზეთის ფილტრი	110 ლ		110 ლ	110 ლ	110 ლ	110 ლ	110 ლ	110 ლ
ჰაერის ფილტრი	90 ლ	10 ლ		100 ლ	100 ლ	100 ლ	100 ლ	100 ლ
ძრავის გამარგილებელი სითხე	10 ლ	35 ლ				90 ლ		90 ლ
სარქველების რეგულირება		250 ლ			250 ლ			
რადიატორის გასუფთავება		300 ლ				300 ლ		
საწვავის და წყლის გამყოფი ფილტრი	80 ლ	20 ლ		100 ლ	100 ლ	100 ლ	100 ლ	100 ლ
ტრანსმისიის ზეთის ფილტრი	80 ლ	35 ლ			115 ლ		115 ლ	
ჰიდრაულიკის ზეთი	5 ლ	5 ლ						50 ლ
ჰიდრაულიკის ზეთის ფილტრი	45 ლ	45 ლ				45 ლ		
რელექტორის ზეთი	14 ლ	35 ლ				315 ლ		
სრული შემოწმება		30 ლ	30 ლ	30 ლ	30 ლ	30 ლ	30 ლ	30 ლ
სულ ლარი			335 ლ	535 ლ	900 ლ	1 285 ლ	650 ლ	675 ლ

შენიშვნა:

- დამტკიცრთველის თანმდევი საგარანტიო მომსახურების ცხრილში მოცემული საქონლის/მომსახურების ჩამონათვალი არის სავარაუდო და შეიძლება დაემატოს/დაკორექტირდეს პრეტენდენტის მიერ შემოთავაზებული დამტკიცრთველის მწარმოებლის მიერ რეკომენდირებული საქონელი/მომსახურება;
- დამტკიცრთველის თანმდევი საგარანტიო მომსახურების ცხრილში სამუშაო საათის რაოდენობა უნდა მიეთითოს პრეტენდენტის მიერ შემოთავაზებული საქონლის მწარმოებლის მიერ რეკომენდირებული პერიოდულობის გათვალისწინებით. ამასთან ცხრილში დასაშვებია როგორც საქონლის/მომსახურების ჩამონათვალის, ასევე სამუშაო საათების სვეტების რაოდენობის ცვლილება;
- პრეტენდენტი ვალდებულია საქონლის თანმდევი საგარანტიო მომსახურების ცხრილში (დანართი #1-1), სრულად გაითვალისწინოს საგარანტიო პერიოდში ის საქონელი/მომსახურება, რომელიც აუცილებელი იქნება საგარანტიო პირობების გავრცელების მიზნით. რაიმე სახის საქონლის/მომსახურების საგარანტიო მომსახურების ცხრილში (დანართი #1-1) გაუთვალისწინებლობის შემთხვევაში, რომელიც აუცილებელი იქნება საგარანტიო პირობების გავრცელებისათვის, მიმწოდებელმა უნდა განახორციელოს უსასყიდლოდ;
- პრეტენდენტის მიერ წინამდებარე დანართი №1-1 - თანმდევი საგარანტიო მომსახურების ცხრილით წარმოდგენილი განფასება ძალაში უნდა იყოს დამტკიცრთველის საგარანტიო პირობის ამოწურვამდე, ფლობის განმავლობაში;

ხელმოწერა ----

